

20.07.23.
2280/2023

Na osnovu člana 54. Zakona o izvršavanju Budžeta Unsko-sanskog kantona za 2023. godinu („Službeni glasnik Unsko-sanskog kantona“ broj: 6/23), člana 43. Zakona o upravljanju otpadom („Službeni glasnik Unsko-sanskog kantona“, broj: 4/12 i 8/14), člana 30. Zakona o komunalnim djelatnostima USK-a („Službeni glasnik Unsko-sanskog kantona“, broj: 4/11, 11/11, 6/12, 13/12, 8/15 i 14/17) , Strategije razvoja Unsko-sanskog kantona 2021. – 2027. godina) i Odluke o načinu i kriterijima za raspodjelu sredstava -Kapitalni grantovi javnim preduzećima broj: 03-02-2190-460/2023 od 06.07.2023 godine, Ministarstvo za građenje, prostorno uređenje i zaštitu okoliša Unsko – sanskog kantona raspisuje:

JAVNI POZIV

za kandidovanje projekata za dodjelu sredstava za sanaciju i uređenje gradskih/općinskih odlagališta otpada.

I

I PREDMET JAVNOG POZIVA

Predmet javnog poziva je su/finansiranje projekata javnih komunalnih preduzeća iz oblasti upravljanja otpadom, odnosno sanacije i uređenja gradskih/općinskih odlagališta otpada.

II USLOVI UČEŠĆA

Pravo učešća

Pravo učešća na javnom pozivu imaju javna komunalna preduzeća čiji osnivači su lokalne zajednice, a koja su osnovana radi obavljanja komunalnih djelatnosti skupljanja, tretiranja i odlaganja komunalnog otpada.

Vrsta projekta koji će biti su/finansirani

Sredstva javnim komunalnim preduzećima se dodjeljuju za projekte iz oblasti upravljanja otpadom, odnosno za projekte sanacije i uređenja gradskih/općinskih odlagališta otpada.

Dokumentacija koja se treba dostaviti prilikom prijave projekta

Prijava za dodjelu sredstava odnosno su/finansiranje projekata podnosi se na posebnom obrascu koji se preuzima sa web stranice Vlade USK-(www.vladausk.ba), ovjerenom i potpisanom od strane odgovorne osobe i koji mora sadržavati:

- a) informacije o podnosiocu projekta (naziv aplikanta, odgovorna osoba, kontakt osoba za realizaciju projekta, telefon),
- b) naziv projekta ,

- c) lokaciju implementacije projekta,
- d) ukupan budžet projekta i izvore finansiranja,
- e) sažetak projekta,
- f) opći cilj i specifične ciljeve projekta,
- g) relevantnost projekta,
- h) očekivane rezultate,
- i) projektne aktivnosti po fazama i vremenski okvir,
- j) održivost projekta,
- k) partnere na projektu (ukoliko ih ima),
- l) budžet projekta (Aneks 1),
- m) detalje o sufinansiranju (ukoliko postoje vlastiti ili drugi izvori finansiranja),
- n) opis organizacije aplikanta,
- o) način praćenja projekta i interni nadzor,
- p) broj transakcijskog računa i naziv banke kod koje je otvoren račun.

Uz prijavu (projektni prijedlog) podnosioci dužni su dostaviti slijedeću dokumentaciju kojom dokazuju ispunjavanje uslova (u originalu ili ovjerenj kopiji – ovjera ne smije biti starija od 3 mjeseca):

- a) Aktualni izvod iz sudskog registra ne stariji od 3 mjeseca od dana objave Javnog poziva;
- b) Uvjerenje o poreznoj registraciji, odnosno ID broj;
- c) Uvjerenje o izmirenim obavezama po osnovu javnih prihoda, ne starije od tri mjeseca ili sporazum o reprogramiranom, odnosno odgođenom plaćanju obaveza aplikanta po osnovu javnih prihoda, uz potvrdu poreskog organa da aplikant u predviđenoj dinamici izmiruje svoje reprogramirane obaveze (datum izdavanja potvrde ne smije biti stariji od 3 mjeseca od dana objave Javnog poziva);
- d) Uvjerenje o registraciji /upisu u Jedinostveni registar obaveznika indirektnih poreza;
- e) Uvjerenje Uprave za indirektno oporezivanje da aplikant nema dospjelih, a neizmirenih obaveza po osnovu indirektnih poreza ili sporazum o reprogramiranom, odnosno odgođenom plaćanju obaveza aplikanta po osnovu indirektnih poreza, uz potvrdu poreskog organa da aplikant u predviđenoj dinamici izmiruje svoje reprogramirane obaveze;
- f) Karton deponovanih potpisa iz banke osoba odgovornih za finansije;
- g) Mišljenje osnivača o kandidovanom projektu. Pored mišljenja osnivača isto može dati i gradonačelnik, odnosno općinski načelnik. Datum izdavanja Mišljenja ne smije biti stariji od 3 mjeseca od dana objave Javnog poziva, a dostavlja se u originalu ili ovjerenj kopiji;
- h) Ako postoji partner na projektu dostaviti dokaz o visini sredstava sa kojima će isti sufinansirati projekat (sporazum o saradnji ili ugovor ili izjavu). Izjava se dostavlja u

originalu i datum izjave ne smije biti stariji od 3 mjeseca od dana objave Javnog poziva. Sporazum ili Ugovor se dostavlja u originalu ili ovjerenj kopiji i datum ovjere kopije ugovora ili sporazuma ne smije biti stariji od 3 mjeseca od dana objave Javnog poziva;

i) Predračun ili ponudu za svaku stavku nabavki iz Budžeta projekta koja je u ukupnom iznosu većem od 500,00 KM. Predračun ili ponuda ne može biti urađen od strane samog aplikanta;

Kriteriji isključenja

Neće se uzeti u dalje razmatranje prijave aplikanta dostavljene po Javnom pozivu:

a) koje su neblagovremene (dostavljene nakon proteka roka određenog Javnim pozivom),

b) koje ne sadrže kompletnu dokumentaciju koja se traži javnim pozivom,

c) koje svoj projektni prijedlog ne dostave u zatvorenoj koverti sa nalijepljenom naznakom na koverti „Prijava na Javni poziv....- NE OTVARAJ”,

d) koji ne dostave projekat ovjeren i potpisan od strane podnosioca, i to na propisanom obrascu

e) koji dostave projekte usmjerene na oblasti suprotno onim koje su određene u Javnom pozivu,

f) koji ne razrade projekat u skladu sa aplikacijskim obrascem,

g) koji planiraju troškove vlastitih ljudskih resursa za implementaciju projekta

h) koji dostave više od jednog projektnog prijedloga,

i) za već završene projekte (izuzev ako se radi o započetim, a nezavršenim projektima koji su planirani u fazama),

j) ukoliko se podaci iz dostavljene dokumentacije ne slažu sa dostavljenim projektnim prijedlogom i/ili budžetom projekta.

Vrijednost projekata

Javna komunalna preduzeća imaju pravo da apliciraju na sredstva sa samo jednim projektnim prijedlogom.

Maksimalan iznos sredstava koji se može dodijeliti za projekte uređenja jedne deponije je 300.000,00 KM.

III NAČIN I ROK ZA PODNOŠENJE PRIJAVA

Obrazac za prijavu projekta sa budžetom i obavezna dokumentacija, trebaju biti dostavljeni na način da su isti uvezani i poredani prema redosljedju. Prijave sa obaveznom dokumentacijom se dostavljaju direktno na protokol organa ili putem pošte u zatvorenoj koverti (A4 format) sa naljepnicom na koverti koja se preuzima sa web stranice Vlade Unsko-sanskog kantona (www.vladausk.ba).

Rok za podnošenje prijave na javni poziv je 40 dana od dana objave Javnog poziva.

Prijave dostavljene nakon isteka utvrđenog roka vraćaju se aplikantu neotvorene, sve ostale prijave zajedno sa pratećom dokumentacijom ne vraćaju se aplikantu

IV OCJENA PRIJAVA

Dostavljene prijave na Javni poziv razmatra Komisija od 3 člana koju rješenjem imenuje ministar Ministarstva. Komisija vrši:

- a) analizu ispunjenosti formalno-pravnih uslova aplikanta, odnosno provjeru blagovremenosti prijave i kompletnosti dokumentacije dostavljenih prijava,
- b) provedbu procesa bodovanja prijave koje ispunjavaju formalno-pravne uslove,
- c) izradu Izvještaja o provedenom postupku po javnom pozivu za dodjelu sredstava sa prijedlogom liste uspješnih projekata, kojeg putem protokola Ministarstva dostavlja ministru.

Bodovanje dostavljenih projekata Komisija vrši prema sljedećim kriterijima:

- a) broj korisnika deponije
- b) količine otpada koje se odlažu na godišnjem nivou
- c) iznos obezbijedenog sufinansiranja od strane aplikanta ili drugih partnera na projektu

Za svaki kriterij pojedinačno se dodjeljuje od 0, 1, 3 ili 5 bodova po projektnom prijedlogu. Broj bodova koji čini ukupnu ocjenu projektnog prijedloga sastoji se od zbira pojedinačnih bodova članova Komisije. Maksimalan broj bodova koji svaki projektni prijedlog može dobiti je 45. Da bi projekat bio uvršten na listu uspješnih projekata za su/finansiranje mora dobiti najmanje 25 bodova.

Pri razmatranju projektnih prijedloga Komisija zadržava pravo zatražiti dodatna pojašnjenja o projektu od aplikanta.

V OBAVJEŠTENJE O DISKVALIFIKACIJI, PRIGOVOR I UTVRĐIVANJE KONAČNE LISTE USPJEŠNIH PROJEKATA

Aplikanti koje ne ispunjavaju formalno-pravne uslove, kao i aplikanti čiji su projektni prijedlozi dobili manje od 25 bodova i ne nalaze na predloženoj listi uspješnih projekata za su/finansiranje, biće o tome pisano obaviješteni od strane Komisije.

Protiv navedene obavijesti aplikanti mogu podnijeti prigovor Ministarstvu u roku od 3 dana od dana prijema obavijesti. O prigovoru odlučuje ministar. Odluka o prigovoru je konačna.

Nakon dostavljenog Izvještaja Komisije sa prijedlogom liste uspješnih projekata, ministar utvrđuje konačnu rang listu projekata odabranih za su/finansiranje, koju objavljuje na web stranici Vlade Unsko-sanskog kantona.

Kriterij za utvrđivanje konačne rang liste projekata je ostvareni broj bodova na javnom pozivu i iznos raspoloživih sredstava za su/finansiranje.

VI ZAKLJUČENJE UGOVORA I NADZOR NAD KORIŠTENJEM SREDSTAVA

Sa aplikantima čije prijave budu odobrene za su/finansiranje zaključit će se ugovor kojim će se urediti uslovi i način korištenja dodijeljenih sredstava, način praćenja namjenskog korištenja dodijeljenih sredstava, dokumentacija koju je korisnik sredstava obavezan dostaviti Ministarstvu, rok važenja ugovora, te ostala međusobna prava i obaveze korisnika sredstava i Ministarstva.

Dodijeljena sredstva, po usvajanju Programa utroška od strane Vlade doznacavaju se na račune korisnika.

Nadzor nad namjenskim trošenjem dodijeljenih sredstava vršit će se u skladu sa Pravilnikom o procedurama vršenja nadzora nad korištenjem finansijskih sredstava Ministarstva za građenje, prostorno uređenje i zaštitu okoliša Unsko – sanskog kantona broj: 11-14-6037-1/19 od 27.5.2019. godine (“Službeni glasnik Unsko-sanskog kantona” broj: 14/19).

VII OPĆE ODREDBE

Za sve dodatne informacije zainteresirana lica mogu se obratiti do 8 dana prije zatvaranja javnog poziva, i to putem maila: gradjenje@vladausk.ba

Obrazac „Projektni prijedlog za dodjelu sredstava Ministarstva za građenje, prostorno uređenje i zaštitu okoliša – Kapitalni grantovi javnim preduzećima“, obrazac „Budžet“ i „Naljepnica za kovertu“, nalaze se na web stranici Vlade Unsko-sanskog kantona www.vladausk.ba.

Broj: 11-11-7751-1/23
Datum: 19-07-2023



MINISTAR

Senad Dizdarić, dipl. pravnik

